

Pfäler Bauern.

Bücherhandel



Einladung.

Kummt, ich führ ick runner in mein Keller,
Dhut die Ehr mer an, versucht mein Wein!
Kuschtert noch der Raib aus alle Fässer,
Maner werd geringer, aaner besser,
Nügfund awmer, denk i, soll ick kaaner sehn.

Es sin halt Landwein, wie se bei uns wachse,
Maner leicht, der anner rasch und derb;
Kömmt 'r fluge druf und fröhlich lache,
Dhut 'r mer kaan saure Gsichter mache,
Waß i aa, sie sin nit all ganz schlecht un herb.

Es muß was Bsummers in de Rewe laihe,
Daß mar vun dem Bau nit losse kann.
Wär mein Keller leer, und i ging hinner,
Wär mers, glaw i, als hädd ich kaan Kinner,
I dhät maane, i wär gar kaan rechter Mann

Got mar 'n Wingart, dhut mar Neve baue,
 Isch der Wein im Keller aam sein Kind;
 Dorum probt jetzt ihr emol mein Fässer,
 Fremme Lage sehe alsfort besser,
 Dann die Badderlieb, sell waach mar, isch oft blind!

'S badd Alles nix.

Im Summer isch mein Mahdel roth un braun,
 Im Winder isch se blühdeweiß;
 Im Summer isch ihr Herz so zäh wie büche Holz,
 Un Winders kalt wie Schnee un Eis.

Mein Kochbar drüwwe isch e growwer growwer Schmidt,
 Der nimmt en Hammer groß un schwer,
 Pakt's Eise mit der Zang un hämmerts wie er will, —
 Wann nor mein Mahdel Eise wär!

Sein Feuer blost der Schmidt mim Blossbalg an,
 Un brummt der Balg, do brennts aa geschwind;
 Doch was i aa mein braune Mahdel sing und sag,
 'S isch Alles Alles in de Wind!

Wann die Nachdigalle Baurebuwe wäre?

Jez erscht waas i 's, jez erscht glaaw i 's,
 Was mar in de Lieder singt,
 Jez erscht glaaw i 's, dann jez waas i 's,
 Das die Lieb aam Schmerze bringt.

Wär' ch e Dumpass odder e Käuzel,
 Das i traurig peife könnt, —
 Ich wollt jekt e Liedel peife,
 Wie die Lieb aam shticht un brennt!

Ich wollt peife jez e Liedel,
 Wie 's aam drückt un brennt un shticht,
 Wamm mar, Maner gege Zehne,
 Um die Lieb sein Brüchel kriecht!

Nachdigalle dhune schlage,
 Das 's dorch Berg un Dhäler klingt, —
 Unser Baurebuwe atwer
 Das aam's Herz im Leib verschpringt!

Nachdigalle hör i schlage,
 Daß 's dorch Berg und Dhäler schallt;
 Nachdigalle! wärt ihr Baure,
 I ging nimmer in de Wald!

Jetz erscht waas i 's, jetz erscht glaaw i 's
 Was mar in de Lieder singt,
 Jetz erscht glaaw i 's, dann jekt waas i 's
 Was die Lieb for Schmerz bring!

Loß de Lade nor zu!

Meim Badder sein Häusel
 Hat hinne kaan Wänd,
 Es hot se 'm gescht Dwend
 E Gaasbock neing'rennt.

Wanns Häusel kaan Wänd hot,
 Do kann mar gut naus,
 Un scheint aa der Mond nit,
 Finu i doch noch ihr Haus.

Lalalaila, lalaila

Sing i do die ganz Nacht,
Ob mein Schatz in ihrem Bett drin
Mit ebber uswacht.

O Gaasbeck im Gaarde,
Frißt's Laab un frißt's Gras,
Un mein Mahdel schlächt de Lade
Mer zu vor der Nas.

Im Gaarde sachtehne Blume,
Schteht e Busch Kossfemrein,
Un wo i raus bin kumme
Schlubb i aa widder nein.

Un mit Schtroh un mit Lahme
Flickt mein Vadder sein Wänd,
Un i helf se'm verschmeere,
Mit der Lieb ischs am End.

Lalalaila, brauns Mahdel,
Loß de Lade nor zu,
Dann i werr jeß e Reider
Un vor mir hocht du Ruh.

Mein Trauweprob.

Dhut Sankt Michel Budde trage,
 Werds em waarm im Sunneschein,
 Kann kaan Bauer sich beklage,
 Dann do git's en gude Weis.

Schpringe Raaf ab vun de Dauwe
 An der Brent im Wingartspad,
 Do sin zuckrig aa die Trauwe
 Un der Moscht e wohrer Schaata.

Un wann zuckrig sin die Beere,
 Babbt aam in der Hand die Hoob,
 Un doch git's, i kann druf schwöre,
 Noch e bessri Trauweprob.

Wann se süß sin, dann is babbig
 Na des Mäulche, wo ich maan,
 Un e Ruß die Prob, — 's wär babbig,
 Nähm ich im Barbeigehä kaan.

Alle Kamerade küsse
 So ihr Mahdle frank und frei,
 Un die Alde dürfe's wisse,
 Dofer isch's heut Herbst, juchhei!

'S isch jo nit erscht jetz erfunne,
 'S war schon so zu ihrer Zeit,
 Un e mancher alder Kunne
 Dhät recht geern noch küsse heut.

Alder Wein dhüt jo noch treuwe
 Un kümmt nit aus Dageslicht;
 Un e Borsch sollt ruhig bleibe,
 Wann er lieve Mahdte sicht?

'S welsch Gebliit un sein Altmodder.

Do laicht des Bittwele un laicht
 Un rüft: Udde! so wohlgemuth;
 Ach Gott, des will schon in die Welt!
 'S isch halt Franzoseblut!

Wann's älder werd, der klaane Kerl,
 'S isch aam schon angscht, wie's do noch geht,
 Wann's aam do vorwelscht uf Französch,
 Wo Kaans vun uns verschteht!

Waaß Gott, des isch mer oft zu rund, —
 Mein Mahdei kann noch heut kaan Wort —
 Wie die den nor verschtanne hot
 Allaans im ganze Ort?

Ich hewwen jo doch grad so lang
 Wie mein Kathrine welsche ghört;
 Do isch aam Wort wie's anner gweßt,
 Mich hodder nit bedhört!

'S haast als bei uns gemaaniglich:
 „Der Abbel fällt nit weit vum Stamm“;
 Isch des so wohr, sächt aa der Klaan
 Zu mir e Mol: „Madamm“.

Un hör i's erschtmol so e Wort,
 Hol ich beim Doctor was for's Kind,
 Wo des Französich em rauspergirt
 So noch und noch gelind.

For jeden Umschtand uf der Welt
 Waaf der jo, was mar aam verschreibt,
 Der hot gewiß aach ebbes noch,
 Wo's welsch Geblüt vertreibt.

Wär's dann nit schad, wann's Büwele,
 Wie's jek so lieb und herzig isch,
 Müßt ewig e Französel sein,
 So e welscher Fledderwisch?

E landwerthschafftlich Gescht.

1.

I waas nit was i soll denke
 Bin de Herren aus der Shtadt,
 So viel Geld do draß zu henke,
 Wo's kaan Mensche doch nix hadd.

Geschtert sin se gfabre kumme
 In dem Neche un dem Dreck
 All mit frisch gewichste Shtiffel
 Un in schwarze Schpazesträck!

Voraus uffem erschte Wage
 War e Musfigandeband,
 Hinnenoch die Herren-Baure
 Aus'm ganze Pälzerland.

Uf der Wiß draus war e Kanzel,
 Uf der Kanzel war e Sens,
 Neche, Sichel, Flechel, Fahne,
 Schpade, Karicht un Blummekränz,

Maulkorb, Welschkorn, Fuhrmannschelle,
 Kinnerplüg, e Weißzeug-Mang,
 Beitsche, Garwe, Dreibrecher,
 Niewe, zehe Ehle lang, —

Schträng un Säddel, Joch un Kummel,
 Krebs, Kardoffle, groß un klaan,
 Reddig, Trauwe, Kerngugunre,
 Un e Windmühl hinnedraan.

Un e Herr mit gele Händsching
 Hot sich uf die Kanzel gschellt
 Un gepreddigt wie e Parre
 Wann er Nam sein Grabredd hält.

Was er gsagt hot, waas i nimmer,
 Dann 's war hochdeutsch un gelehrt,
 Wie se in der Schul jek redde,
 Un hot ewig lang gewährt.

Mans nor heww i gut verschtanne,
 'S war em halt aa gar nix recht,
 Alles, hot'r gsagt, wär nixnuß,
 Wie mar's bei uns Baure mächt.

Wie mer zackre, wie mer säe,
 Uenwer Alles ohne End
 Hot der Herr mit seine Händsching
 Uns gezantkt un runnergshändt.

Ja i glaab er hätt zwaa Ehtund noch
 Fortgemacht un pererirt,
 Hätt'r nit bis uf die Haut nein
 Dorch sein Frack de Kehe gschpürt.

Wie er gschpürt hot, daß er naß isch,
 Mächt er uns e Compliment,
 Mächt die Muffit zinnrabbummra,
 Un do war die Gschicht am End.

2.

Beim Dreikönigwerth im Danzsaal,
 Ja was maant'r daß do war?
 Wart nor, ich will's üch verzähle,
 Hebb mich docht gelacht schier gar.

Dromme war e langi Däsel,
 Wie zum Esse frisch gedeckt;
 Ich bin nuf, hebb wolle sehe,
 Wie de Herrn ihr Schobbe schmeckt.

Nix do! 's war kaan Glas zu sehe,
 Nix als Deller vun Borzlan,
 Un hot gschünke un geroche —
 Schier zu arg for Unseraan.

Un was war uf all de Deller?
 Herr mein's Lewens, der du bischt!
 Dorch die Bank uf jedem Deller
 Wår so ernd e Maul voll Misch.

Mischt vum Pferd un Hund un Dohse,
 Misch vum Gaaße, Schoof un Schweiß,
 Böckelsdreck, un waas der Guckuck
 Was vor Zeug noch owwedreiß!

Dorch sein grüni Brill hot's Laner
 Vorgelese vum Babeer
 Un de Herrn zu rieche gewise
 Well der bescht vun alle wår.

Aaß Sort — so e trucke Pulver,
 Schier wie Kleie odder Grieß —
 Hot'r gsaht, des wår der vornehmisch,
 Dann 's wår Kunstmisch aus Paris.

Un des könnt mar gar nit bschreibe,
 Was so Kunstmisch, — hot 'r gsaht —
 Gut dhät dinge, un nit schtinte,
 Naan, des wår der helle Schtaat!

Ich hebb so gedenkt im Schille
 Un for mich gahst in mein Eck:
 „Gell, dein Badder war e Häffner,
 Drum verschehschd aa so de Dreck!“

Uewerdem do war er ferdig,
 Bückt sich, mächt sein Compliment,
 Mächt die Musfik zinnrabummra,
 Und do war die Gschicht am End.

3.

Wann mar sicht daß Anne Lumbe,
 Lump mar halt als aach emol,
 Mir henn hunnedrin getrunke,
 Un do war's uns erdewohl.

Mir henn gfunge, die gepreddigt, —
 'S mächt's halt Jeder wie 's 'm gfallt;
 Mir henn neue Wein getrunke,
 Un die Herrn vun dem wo knallt.

Un wann's drowwe an der Dasel
 Got gerufe: Vivat hoch,
 Hemmer hunne aach aahgschtoße
 Un gekrische: 's künmt aans noch!

Schpäder sin se ufgebroche,
 Hewwe zwaa un zwaa sich gfüürt;
 Kaaner hot jehz mehr de Nehe,
 Nor de Wein hot mancher gschpürt.

Draus, hemm mir gedenkt, werd's Middags
 Widder wie heut Morgens seyft,
 Besser isch's, mar trinkt im Truckne
 Noch en Schobbe gude Wein.

Kümmt mein kaaner Peder g'schrunge
 Un sächt: Badder, macht nor gschwind,
 'S hot e Judd e Sau gewunne,
 Un e Schleierdam e Flint.

Simmer widder naus minanner
 Zu de Herren uf die Wisß,
 Do war werflich um Lottrielos
 Wie um's däglich Brod 's Geriß.

Uf der Kanzel vor der Windmühl
 War e habbedeckel Rad,
 Auner als Hansworscht verbugelt,
 Hot's im Kraas rum g'schwunge grad.

Und wie's widder schill ich gichtanne,
 Kümmt darhinne vor e Kind,
 Nimmt en Zeddel aus dem Rad raus,
 Wie mar guckt, do haapt's: gewinnt!

Wie i g'frotg hebb: wer gewinnt dann?
 Haapt's: der Doktor Heidebenz;
 Un do war e groß Gelächder,
 Sein Gewinner war — e Sens!

Zudde Säu, die Doktor Sense,
 Des ich, dent i, recht verkehrt;
 Doch will ich jeh aach aans setze,
 Ob's nit mir was Gscheidters bschert.

Unner uns gjaht heww i's gschpigt ghatt
 Af die schön braunfalte Kuh,
 Wo noch do war zu gewinne,
 Un e prächtig Kalb darzu.

'E Loos kofcht numme dreißig Kreuzer,
 Heww i so for mich gedenkt,
 Un wann du die Kuh gewinnst, war
 'E Geld nit ummesunscht draß ghentt.

Mancher hot was schöns gewunne,
 Viel was dumms, un noch mehr nix;
 Wie mein Loos isch g'lese worre,
 Gwiints e klaani weiße Büch.

Wie mer's Goldbabeer weggmache,
 Do wars roserodher Schmalz
 Odder Budder, gut zu rieche,
 Awwer nit aan Rörndel Salz.

I hebbs gleich mein klaane Peder
 Uf sein Brod im Nerger gschmiert
 Un en Brocke selwer gesse,
 Un hebb gschändt un räsenirt.

Dreißig saure Kreuzer, sag i,
 For e Maul voll rodhe Schmalz!
 'S riecht aam, sag i, 's Bergemotöl
 Noch drei Däg lang aus 'm Hals!

Un e Herr mit Schtern un Bändel
 Hot mi g'ruse un hot g'fah:
 „Des war nix uf's Brod zu schtreiche,
 'S war e feini Hoorbummad.“

Wie die annre Herrn des höre,
 Do batscht Alles in die Händ,
 Mächt die Wuffit zinnrabummra, —
 Domit war des Fescht am End.

Fort isch Alles widder gfare,
 Gibscht mer nix so hoscht de nix!
 Un mein aanzig Angedenke
 Isch die leer borzlane Büchs.

So doch, aans noch, — 's isch im Kobb mer
 Sidder geschttert schwer un dumm,
 Un i hör nix mehr als: zinnra
 Zinnra zinnra bum bum bum!

I muß Blei hent giese!

Soll i heire widder, soll i heire widder?
 Soll i, soll i, odder nit?
 Soll i Widdib bleiwe, soll i Widdib bleiwe?
 Soll i Wittfra bleiwe, odder nit?

Sauct Andrees, i muß mi halt an dich jetz weene
 Heut in deiner heilige Nacht,
 Daß i waach, warum mein aarmi Widdibsbettlad
 So erbärmlich alsfort grahnzt und fracht.

Dhut vielleicht mein selger Hanniklaus sich melde,
 Daß er ball mich hole will?
 Odder dhut e Vorsch als an die Widdib denke,
 Wo mi geern hot ganz in aller Schtill?

I muß Blei heut schmelze, i muß Blei hent gieße,
 'S isch jo heut die heilig Nacht,
 Un umjunscht hat nit schon ganze Nacht mein Bettlad
 So gegrahnzt, so gseufzt un so gefracht!

Wann i gieß, un was i gieß des isch lewendig,
 Do bedeufts en Mann ins Haus;
 Wann i gieß, und was i gieß isch nit lewendig,
 Trächt mar mich als dodi Widdib naus.

Gieß i Engel, kumme Mensche, Gäulcher, Dohse,
 Hünkle odder Hahne raus,
 Schunke odder Wörscht, Trumbede odder Geige,
 Alles das bedeuft en Mann ins Haus!

Gieß i Gaafböck, Scheere odder Büchseleise, —
 Raan, den Schneider mag i nit;
 Gieß i Säwel, Trummle, Schpore un Kanone,
 Ja, dann glaw i, daß 's ball Hochzich git!

Sanct Andrees, dich ruf i an, helf du mer gieße
 Heut in deiner heilige Nacht;
 Gieß was Guts, daß i brauch nimmer zu verschrecke,
 Wann emol mein Bettlad widder fracht!

Ob im Himmel ewig Gernd isch?

Ach! i hebb 's doch ball gemach,
 Keps un Korn un Schpelz zu schneide!
 Wer des waaf, was 's Gernte isch,
 Waaf aa, was mir Baure leide.

'S isch der Fluch vom Adam her,
 Daß mar säe muß un zackre,
 In der haafte Summerszeit
 Uf de Felder ab sich rackre.

Un doch förcht i schier de Himmel,
 Mag so blindlings nig grad nein;
 Dann der Parre hot gepreddigt:
 „Dort wird ewig Ernte sein“.

„Ewig wird die Saat dort reifen,
 Dort wird ewig Ernte sein!“ —
 Naan! i mag no nit in Himmel,
 Erscht soll der Herr Parre nein!

Ischt der drowwe, un sibcht schneide,
 Gits aa dort e weltli Zucht,
 Wie dohutte jeden Summer,
 Um sein liwi Zehentfrucht.

Wann 's dann ewig drowwe Gernd isch
 Un sein Preddige sin wohr,
 Wedderd er aa midden drowwe
 Um sein Garwe 's ganze Johr.

Dunnerts also dann nit ewig,
 Gernt mar aa nit ohne End,
 Muß i aa nit ewig schneide,
 Un mach gern mein Testament.

Die letscht Sylvesternacht.

Sunn dags, wann die Flocke fliege
 Un der Wind im Schornschte brummt,
 Sitzemer am waarme Ofte
 Bis der Nothbar zumer kummt.

„Nothbar, 's geht noch Lützel = Sahse
 „Zu 'me gude todhe Weis;
 „Lescht war Gascht bei uns mein Swadder,
 „Jez soll ichs bei ihm heut sein.

„'S isch jo heut nir zu versaame,
 „Sez de Schwegg uff un kummt!
 „Evel, ihr hedd nir dargege,
 „Wann Eu'r Mann heut Dwend kumpt?

„Guckt, do isch der neu Kolenner,
 „Belgrad und die Dorkeschlacht;
 „Maant mar nit, mar sichts se feure?
 „Maant mar nit, mar hört wies kracht?

„Guckt, des annere Bild isch Frankfort,
 „Un der Kaiser werd gekrönt;
 „Daf er hiñ hot kumme könne,
 „Hemmer an de Weg jo gfröhnt.“

Un die Mahdle un die Burwe
 Suche in Kolenner nein,
 Un mein Ev sächt: „machs nor gnädig,
 „Dann er werft, der neue Wein!“

Ach, do schlof ich in mein Bett drin,
 Hebb getraamt vun annere Zeit;
 Dodt isch jo schun lang mein Evvel,
 Un die Kinner alde Leut!

Es geht nimmehr noch Litzel-Sahse
 Zu me gude rodbhe Wein;
 Uf de Kerchhof dort am Buckel
 Wird mein weitschder Weg jetzt sein.

Du, Kathrine! Kumm noch zumer,
 Legen hiñ, dein klaane Bu;
 Grüß dein Mann, grüß ah dein Brüder,
 Un jeh drück mein Lage zu.

Ich, un dort der alt Kolenner,
 Wann am Zwölfe 's Neujehr kracht,
 Ein zu End! — Lebt wohl, ihr Kinner!
 'S kümmt aach Eur Sylveschternacht!

G Wittfraa.

G Wittfraa mit neun Kinnerlin,
 Des waach der lieve Herrgott jo!
 Der lieve Herrgott hots gewollt,
 'S isch geschehe, 's isch emol halt so!

Neun Kinner, un kaan Verdel Land,
 'S war freilich gar e traurig Wort!
 Ja, wann's Gewisse halt nit wär,
 Hädd ich nor achde, — aans wär fort.

Die Gräfin hot kaan aanzig Kind
 Un 's sin so reiche reiche Leut;
 Die hewwe um mein klaanschts gedhan,
 Schier gar als wäre se nig gscheidt.

O Häusel un zwaa Aeckerlin
 Des hun se mer verschriwwe ghatt,
 Wann icken's Mahdche losse dhät,
 For sie un ihn an Kindesschtatt.

Un wie se's fortträcht uffem Aarm,
 Do fange se all zu schraie an;
 „Ach lieber Herrgott, heww ich gsah,
 „Ach Gott, was heww ich do gedha!“

Un wie ihr Rutscher fahre will,
 Schtrects noch sein Händlin noch mehr raus
 „O! liewi Gräfin! gnädger Herr!
 „I will kaan Aecker un kaan Haus, —

„I will mein Kind, i will mein Kind!
 „Der liewe Herrgott sorgt for mich;
 „Er gitt aa Ihre noch e Kind;
 „Wann Sie en bidd, erbarmt er sich!

O! Gott im Himmel! sei gelobt!
 I hebb mein Kind, i hebb des Haus,
 Die Aeckerlin schun Johr un Dag,
 Un Nimmand treibt uns widder raus!

Un was ich Ihr zum Trost hebb gsagt,
 Un hebb nit viel darbei gedenkt,
 Des werd jekt ballvoll werklisch wohr;
 Der liewe Herrgott hot's gelenkt!

Leb wohl, mein Haamethland.

Noch bliuwe Nene drowwe aus'm Wingart
 Nenn ich mer mit for ünwers Meer,
 Un 's Badders Flint, un unser aldi Bivvel;
 Sünscht hewwi jo aa gar nix vunnem mehr!

Die Name schtehne drin vun all uns Rinner,
 Un Johr un Dag wie alt mer sin,
 Un do sein Leiblied vun de „gsangue Reider“, —
 Un aa der Modd'r ihr Dodesdag isch drin.

Schier maan i jek, mar hätt nix mehr zu klage,
 Un Alles isch mer wie e Traam;
 O! wann i drin bin, noch so weit im Land drin,
 Ein mein Gedanke widder all darhaam!

I maan, i müßt die Haameth frisch drin baue,
 En scharke Bau, un schön un neu,
 Wo Alles recht draß wär, un nix zu sliche,
 Fer all Ewigkeit e shtolz Gebäu!

Ad 's isch e Traam! doch mag mar geern so traame,
 Do isch die Welt aam niemels leer.
 Frisch zu darbei die Händ gerührt, nig gschlose!
 Des Wort soll unser Baf sein ünwers Meer.

Wann Schtormwind dorch die dunkel Nacht dorch sause,
 Un Wolke fliege in der HÖh,
 Do denk an uns, wie mir die Nacht dorch fahre
 Weit draus uf dere diese dunkle See.

Un seid'r winterowends do beisamme,
 So denkt an uns, im Land so weit,
 Wie mir aa drüuwe an sich ewig denke
 In Glück un Noth, in Fraad un Traurigkeit.

En frische Trunk gebt jeh noch her zum Abschied, —
 Ihr Brüder! All ihr Freund! Eur' Hand!
 Lebht wohl — un Gott im Himmel soll ick bschütze!
 Leb wol uf ewig, du, mein Vadderland!